





原件短缺

火山精熱陰沙水弩還瓊簫連玉杵相對此朱顏
高人曾寄語真偈帶雲回五嶽青牛笑三峯玉笈來花
池邊雁啄貂幕戍兒開磊落無須酒清音響莫哀
地大容人隱誰過鐵笛亭年華軍羽白心事酒旗青壁
海生初日鋪花受落星風雲平世業亦不到林垆
天心仁愛急民瘼正殷繁吳越高雲漢江河濫宿源黃
花風落壑白骨月臨邨無碍浮雲意懸猷臥石門
金鰲昔勝地秋氣浪痕低象塔沉蒼壁龍舟護紫泥漕
艱淮上下烽接粵東西辛苦清宵月年年照鼓鼙

不憚西陽寂空林彈響泉誅茆容鶴到焚艸避人傳山
海誰籌箸風雲正拓邊干將昨疾嘯霜拂幾花然
去病當年少橫戈不事家馬頭及短鬢鷗尾亦長沙亂
草煩催織豐林靜守瓜秦人無世代經歲認桃峇
大事生人後超然未有天牛車規遠馭鞭影叩單傳秋
下風柝艸山高月漱泉老儒艱小築歸計倚雲邊
讀書知老憤神智在人間夔禹終成土巢由寧選山馬
高連竹瘦鷗勁逆風還俯仰燕然勳螭文落薜班
偶來呼月坐憂患在同群捫蝨黃花酒持螯蒼狗雲三

江當夜定萬木入秋分垂老多遐思明朝聞所聞
風景河山異今年變冷光南州聞陸海北地見苔牆屬
國酬金壘番僧獲繡堂中宵餘畫角清夜向誰長
首蒼秋風老山陽望馬歸雁峰時黯黹麟閣日光暉風
落圖書靜霜空草木飛旄頭看漸沒咫尺是天威
自謂滄洲近猶憐瀚海難關烽秦月入盤露漢臣乾人
少熊羆玩年荒魑魅寒大旗垂永夜白帝照登壇
遠志磷緇好幽情冷暖知沈寥楚水客談笑內黃兒沆
露滋瑤席華鐙護錦池明光喬木在奕奕萬年枝

定國詩集 三
至日雪用少陵重過何氏庄韻五首

長至忽隆雪乾坤展素書采樵憑鹿跡燈火閉山廬
嬰樂扶馮馬叮嚀泣腐魚表安應自臥羃羃野人居
此夕千山定寒林靜不移天平失馬塞草盡決雲兒飢
凍悲黃竹文章寄紫陂模糊親玉戲中夜過山籬
花落嫌山下天通陽長時野人宜燕麥老我詠周詩
鶴羽迷朝斃鮫宮泣夜絲死心安大化未與五侯期
空有髮如雪愁顏誰較長玉龍三百萬一夜洗天槍
野鶴親蘿薜飢鳥餐稻梁北窗霏絮潔猶許問羲皇

封條深所願悔過自編年霧圍瑩荒籜瑤林黑大泉
饕殄窮老算孤矢守公田物役誰知息山情正竊然

兒輩築雪為獅

獨踞瓊臺古蒼茫瞬落暉所嗟白羽后不共玉龍飛
氣逼寒松正神疑寶樹威鬚眉生後事與汝悟知非

荅呂西屏寄詩

小山存邃穆不識傍燕臺何處同雲暮衡門白雪來
義墳著叡秘禹穴蚪靈開琴破吾家後微音寄草萊

與古川用少陵遣意二首韻

猶幸知非早從君萬慮輕有山容地老無念悟心生虎
炁滋青鏡鷗書傍綠橙高旻霜磬徹綿邈扣何名
永譽何能避攀鞍古道斜皇雲空落日吳楚幾驚沙
曲滄溟錄雕山鈿鋸花工吟天意在不是為窮賒

冬友夜集用少陵李監宅二首韻

自摘黃花後山家酒亦濃烟光橫峭嶸燈影結芙蓉
客銀絲細高林玉笛重霜空無罍碍隱約見茅龍
柝靜悲風起寒醅許再開人隨白袷臥歌自紫雲迴
哀壑瀏琴癖空山壽筆才無疑野老意鷲鳥尚能來

輓胡孝緒學士用少陵武衛將軍輓詞三首韻

雀戶初飛雪鸞坡已落星瞿曇磨疾厄濂洛歇英靈
母老啼無血兒寒鼎未銘久焚封禪頌簡冊照餘青

悔不遜名早雄才易見能文窮舌磊落天禁驥奔騰
旅食愁中月鄉心夢裏冰長安遺百口飄泊向誰稱

洞庭當落日古雪叫迢遙此際誰時雨如君有怒飈
赤龍寒欲歎黃鳥慘無驕千古英雄夢松楸閉晚蕭

公以典試

鐫級旋病

人閒用少陵丈八澗納涼二首韻

山靜風來好人閒睡太遲微心深抱叢多難憶生時野
日垂冰穀官梅入釣絲崆峒將命駕蘭茝束新詩
風雨消生事將歸剩白頭誰知國士意猶係古人愁道
淺妻孥累家荒征稅浮龜書借鹿女閨殺五湖秋

離家用少陵得弟消息二首韻

離家二十載父老幾人存白墮微風社黃昏孤月邨魚
塲嗇鹵味蛟海變腥痕猶有珠林接天花安夢魂
樹老荒荒賦河清淼淼期自吾安少賤寧敢向人詩白
日吞朝氣黃鐘毀暮時楛梧耆舊在幸免鬢成絲

語藹孚再用少陵丈八溝韻二首

幽窗不可厭定雪入林遲欲送客歸叢將歌自咽時乾
坤留酒絮黻黼落烟絲問俗誰人事鑪香焚舊詩

深燈千籟寂守月到樓頭沆瀣延朝氣崔巍搖暮愁中
年黜耳目半倡懺奢浮與爾及衰老龍潭正有秋

歲暮用少陵關中待命二首韻

老心時再暮冷霰與冬倫日烱池塘雪風吹地上塵爽
齊崇古道平勃撫前人夜半蒼生事燔薌禮竈神
嶮巖非不峻我意閉平原雪路無人大山靈入月尊磬

鐘馗虎嘯書劍倚蛟門短髮還禁夜微斟未肯喧

守歲用少陵送弟赴齊州韻三首

長安存我老寄眼玉峰西中夜干梅亞平林幾鳥啼帝
謨垂白虎國事載青藜太乙還疑雪蒼龍回斡迷
吾道行歲外寧干朋友來困心枯木會老向大風催日
轉崆峒麓神歸蒼頡臺明朝春事合小步亦悠哉
盤山原薊北高士自林東夢幻關河變心安木石通大
珠啣古月好鳥翼長風頻送楸漿喜雲遠滿漸鴻

人日用少陵喜達行在三首韻時聞謫中州

人日長風接寒春吹却回盧茶初試雪稽鍛未成灰仙
勝希夷會宮花涕淚開天涯有逐客誰伴阿戎來
三冬深閉戶此際又乘春嵩嶽參玄髮黃河怯綵人燧
烽千古夕簪弁少年新日月還衰杖空林洗竹巾
醉還留我法賤未受人憐貞馬安行地委蛇隱用天心
明生月後鬢倚落梅前綺巷銀幡少龐眉暗卜年
元宵日用少陵收京三首韻

飄歛及春事崎嶇幾歲除風波饒帝澤鎖鑰負辰居
絳雪石鍾乳青山藜火書寒暄天意熟回首我生初

定園詩集
歲稔荒游事虹橋晚次寥春風欺祖道雪浪怒宗朝築
館誰臣隗歌衢古帝堯文章隨命薄倚馬問雲霄
衰窮不敢步積雪陷冰壕涸水難沉玉貧心失木桃鳳
林風月淡鰲背樹星高傳橘何云報應知主眷勞

燕九日友人遊白雲觀用少陵憶弟二首韻

風沙驕眯目燕九乃皇州回首驚遲暮息心未自由戈
矛今世事蝨蟻至人憂剩有閒雲在宮牆洗夕流
長松抱邃古雷電老雲圍白晝黃塵熱丹靈皓首歸深
山息豹蔚孤月笑鴉飛莫遣鞭龍角崑崙花未稀

正月連日大風用少陵散懷二首韻

急風正月接怒氣噫瑯玕戈砮研何時動丘墟幾處多星
移纏欲通天愛意無他垂老東陵事青精飯白河

崩激頻終夕天高沙欲齋林飛鉦鏑外瓦震斗河西猛
士凌朝氣歸鴻噎晚啼河清猶計日舟楫未曾迷

謫豫州別高中孚太宰四首

風雪驅孤客單車出上林於君誰苦口如我亦甘心河
雒徵求急江湖戰氣深憂思懸寤寐星迸夜沉沉

杳穆蛇龍跡寧云卑小官緣艱兒女死

余与公為舊
姻子女俱殤世

變友朋難峒劍倚山壯响書磨日寒閒看鸚鵡語闊步
展歇闌

踽涼承世棄躑躅感君恩憂杞徒成悔憐材未敢言
焦頭慚納瑟滴淚聽吹埴無限升沉事千秋一酒尊
管鮑憑人揣君厨我獨沉皇天鞭策隱白日雨雷深齟
齬微通命彫零未到心少文書畫近夷俟許披襟

別龔孝升太常四首

自古清名累歸懷此日深風霜天地德日月友朋心嵩
鎮山靈正黃河川氣陰臨岐囑努力良覲欲重尋

濁酒澆天日霜飛當晝昏痛將百代事獨向一人論生
死歸明主妍媸付重臣鬚眉各未老拔劍罷沾巾

風濤三載意明晦幾人知微罪臣難宥長沙帝亦疑

奏補時
曾問予謫故

上黑頭天柱健青笠客星遲吾道滄洲在平

居別有思

如君身僅住老我亦將行多病煎司馬深文鑠許衡星
張禹旬闊石雉漢龍橫蓬轉無憂遠明堂有獲英

次答呂崐嶸

長懷在藟林老面愧山陰天闊麒麟健途窮神鬼臨夙

興憑海日幽寫向江潯此去寧無意東風照古心
次荅虎別四首

輒坤多蔓夢時歲感良朋此日東風急何人去水憑驚
沙吹老僕長夜減寒燈頗領還回首雲中見漢陵
多僭催一去三載逐長行鐘簾維前事鹽梅讓後生暮
梳隨鴨遶曉笛入鶯清寄語嵩山客春城有並畊
豈敢憐春晚林花淡不開凝霜無碧雨陰日動青雷黃
弩堅飢體蒸羊練短才老人羞勉力駿骨滿金臺
歸去聞根竅幽心悅所知竒文通篆籀薄命襲著龜月

大歌應細山平杖不危斜陽唐介老沽酒罷漁詩

豫遊行紀詩四十一首 有序

時維癸巳叨承 恩謫入豫迢遞二千里情緣地異
劃然有詠匪詩之云也

灤縣道中大風

已憐昏白晝誰復走黃沙豹霧藏樵壘龍腥泛釣槎文
章兵後譜苑李古來花京洛多夢稷鴻名滿載車

西沽小駐

長風搖海氣日在大河西詩老驚駝背途窮妬鴈泥柳

定園詩集
營村牧避樵口曉沙迷誰寄文房夢河間認舊溪
天津

十載津門路歸憐古道斜日平三海面人雜五方家
蝴蝶荒畹壁蛟龍怒戰艦猶留遺老在聚米話囊沙

青縣

畿邦初占地朝議又興屯誰引河邊骨來依樓上魂畏
兵穿小戶避賦去顏垣舅氏今垂老荒尊到古原

滄州故里

生聚十年事悲涼一邑孤田園失秀穗嗟滯用長蘆門

卷干戈異鷹鷂風雨呼昇平應有望携醞待山隅

蒺藜滄州之南皮

一日離家意春懷亂遠皋鶯啼新麥淺雉去暮臺高石
蘚三空壁金槍百戰場非熊何處夢哀謝愧蓬蒿

東光

晤莊榘
庵給諫

無限河山淚經年南北飛時清無袞關交易少綈衣老
馬防殘棘輕弓響落暉風雲千古氣終夜護漁磯

吳橋弔范質公先生

主臣同大義天地仗孤墳九廟中宵哭三光此日分遺

丹還指佞浩氣歆從軍回首南朝事蒼茫天壽雲

衝雨之德州

聞盧德水計

雨光白不了百道接層陰燕幕翻青野蛟雲瘴岱林疾
風終日計如水老臣心大業凋盧駱清霜破角琴

曉霽蒺藜之故城

聞王敬哉罷館職

陰晴纍纍意何地問通津麥氣連堤雨鷺聲到袖春油
房屯戶少鸞署罷書新鎖鑰煩籌策金門又一人

武城寓目

世大誰容客平原更有思春風魚驛道濁酒馬周祠
甌

甌新經戰絃歌未樂飢野人深吏治月且哭郊湄

臨清

前朝三北地今見雨聲流半塢栖鴻雁分河炤髑髏土
日金革薄人借旅商稠醉醒隨遲暮歲龜未告猶

館陶津渡憩魏縣

東山初罷雨薄醉倚寒壚洹水何人渡溪深更馬瘖天
雄朝氣近畫舫晚花孤遐夢馳驅後觀蟲拜史圖

臨漳懷古

英雄氣不盡隱逐濁漳流豆煮千秋淚香分五夜樓履

冰炎鼎暮吐哺鄴園遊勞殺疑墟草年年辨漢侯

韓陵山一片石

碑在定國寺魏高歡破爾朱兆于此建寺旌功温子昇撰記

齊魏斜陽裡蒼蒼片石垂龕燈沉赤羽鬼火影凋旗智

盡高洋帝文雄温子碑徐陵北聘後誰復辨訛詞

安陽道再用册封時舊韻

桐葉曾持節雕宮已挂蘿干烽摧白骨兩鬢老黃河衝

驛鞭箠急遺詩苔蘚多銅臺不可望簫鼓暮如何

再過岳武穆王祠

灑血維天地湯陰古烈魂身慙惜死盡案以議和翻金

鐵磨奸夢松楸照宋根黃河高踞處談笑看中原

文王姜里

再拜昔姜里前聞困聖人天將開大易道欲止人臣中

嶽懸星月清淇守鬼神况生百代後憂患敢沉淪

宜溝驛雨

四月宜溝驛輕寒尚短衾地疲三縣治客亂九迴心

佛依崑古山魍入雨深春明風浪息高調憶龍琴

涉淇水

綠篔還搖水荒城晝閉時刁聲橫雪瀨鞞佩冷晴曦歌

宿幽人志威儀晚歲思飛鳧天漸遠倚井嘆傾葵
荆卿故里

列國甘羸帝惟君仗劍行祇今寒易水風雨哭秦兵生
死邯鄲夢安危督亢城世人衰意氣不敢說荆卿
拜比干墓

狡童終不悟高塚自留青宣聖尊書代周王亟寶銘夏
實無死諫血竅震明廷定志維今古油油禾黍亭

宿衛源

昔冊使時藩府致幣求書府有望京樓極峻

漢墨鼎宮錦重過地黯然飢沙平日下燹月傍河懸樓

圯迷京雒刁鳴廢管絃躬耕方清水版築計何年

新鄭過友園

昔覺斯先生曾聚飲書大草數十幅

尚書今不見雪夜悵良逢曾共蒿溪月盤龍萬壑重農
官千陌草王化十年烽早卜嶺岬路鞭麋聽梵鐘

小紀店曉發之黃河口望玉屋山

水漲黃龍走天清玉女行聞雞不敢舞山色入河聲
奮錘驅終古章縫跋太平中涓誰底柱千頃漢人情

渡黃河

天知擊楫意晴日靜安流蒿雒澄清事星河浩淼遊軍

定園詩集
聲淘漢魏霸氣蕩春秋未敢憐筋力長風破四愁
榮澤晚眺

河枕榮陽急興亡橫野原鳥弓終亦盡喑啞不堪論匹
馬教倉路重喬廣武村英雄猶欲見回首嘯蘇門

鄭州

角鼓無休日蓬茅正壯年只看殘屋壁偏是少人烟控
磬揚菟火龍鐘築瓠川緇衣誰肯授野館念前賢

郭店驛

殘驛欣人跡兵光接碧天招徠新井郭割據幾洌年午

月商陵冷西陽阮墓偏執爰憐伯氏兄弟繫燈前

宿新鄭縣

時宿高文襄廢洞

古昔凋疲國况餘征戰人如何東里惠不起兩河燐陰

洞藤蛇古苔池笥鱖新柴門聊信宿鴉語落荆榛

溱洧南行志警

兵凶芍藥盡天意汰頽風自下黃河後荒城到處同懸
崖安寨險僻樹長狐雄立馬傳新檄蠻書暮雨中

姚店過李崆峒先生墓

碑書明詩人

鼠狐姚店夕獨峙慶陽碑憐我初生晚逢君未見時元

音撐微羽纍獄鍊鬚眉好負崆峒傳槃邁寐具茨

禹州

誰承黃霸後暮過鳳皇臺竟日無行旅空山有雨來梁
園傾繡拱宋壘辨塵灰六事傳新禱王言誦大哉

襄城野望

朝入襄川路回岡野樹平冠深開燾府民少沸軍聲戍
鼓憑河急山城壓寺晴同人新句穩走筆問崢嶸

五龍廟渡沙河之葉

殿閣崩崖仄攀藤聽古河砂飛駭馬馭橋斷放龍過湖

海苞茅隔乾坤盜賊多建橐何日載羽扇散征駝

登葉縣城樓

薄暮臨孤堞晴陰變漢蹤傳龍飛大澤有鳥障層峰束
楚迂還日屯牛逼老農古津不可問流繪欲馳封

謁黃山谷先生祠

先生初令葉後為蔡章三黜

披草瞻殘碣文章足送歸江湖魑魅氣史館日星輝
治猶金馬鴻溝正鐵衣升沉今古喻酌酒掃蚍蜉

舊縣見昆陽遺趾

縣廟嚴子陵配享先武雲臺諸將環廡今頽矣

崛起褒衣後真人此地曷容呈加俎豆帝宿衛陰陽雨

定園詩集
慄豺犀穴花癩雷電場年來殺氣盡買犢履湯湯

扳倒井光武廟

嘉靖南巡湘楚遣駙馬鄔景和致祭此廟

方山楚國障倒井漢墟林大樹瞻王氣甘泉沃帝心雲
雷新日表涕淚老龍陰猶剩殘碑字絲綸載狩臨

清水

清水春陵浚河山自大邦隻雞奔一線佳氣鎮襄江沉
壁騰龍影浮金謚鷲淙風生遙指領長嘯受降艘

臥龍岡諸葛先生草廬

臥龍深夢寐短杖入寒臯千載風雲氣當年魚樵勞大

江呼管樂喬木指孫曹莫洒長沙淚曦光動寶刀

寄里中友人

近衰嫌管籥入亂就瞿曇猶喜城隅下層雲蔭一龕大
尊疑海北小徑誤江南洛社歸來事烹葵洗胄鉤

彭禹峰晤于宛次荅二首

內有懷覺斯尚書句

擬嘯臨青嶂推心入碧尊金聲原趙客瑟影自齊門倚
馬詢披棘拚弓學樹蓀藍田餘墨在落照總搖魂
且作南陽問低簷四十餘龍岡垂古木鱷檄富新書
韎韐從軍事瘡痍思過廬野人珍下榻倒屣為君車

署中同孝威話禹峰

千里悲歌合長懷舞大觴狼哮蒿艸白馬獵楚雲黃考
賦狗殘邑停兵靜牧場攀龍慙短杖惆悵鄧南陽

新秋次答禹峰雨中悲漲之作六首

昨日棘陽信浮來自笮橋干村河捲哭十日雨連宵蝨
閣山頭駕蛟宮木末搖時危思版築揭淺問雲樵

聞說鉗靈怒寒聲折樹腰盤渦奔死鹿雪浪滾浮蜩客
憶刊溝月人圖滄海潮書臺別有賦况復此魂銷
屬薪嗟瓠子千古未能平况是稽天浸來凌斗大城野

人營樹窟茅屋負蛙鳴誰脫寒山葉飛飛盡五更

猶近昌黎宅為文學送窮豺狼增墊溺鼙鼓想英雄紫

瀑吞蒼壘青雷飲白虹羽書寒不絕高燾下湖東

時輔臣
督師行

望君湯廟外老眼障崇岡日月隣乘筏江河變濫觴野
空還躍馬人盡自萋羊莫擬悲秋去雲旗怯楚陽

誰教佳氣地百慮閉孤城暮雨隨鬚髮秋聲倚晦明縱
橫評豎子饑饉禱當庚西顛今如此吾將探大生

七月十四日夜無寐為秋悶用禹峰韻四首

地僻無龜筮幽心卜所居貧來鐫醉酒老太悔忘書蠻

素違秋舍韓彭侮敝廬大臣憂在否靈潦近何如
擊築原燕客行吟已漢疆海棠初語處微雨落斜陽日
月彫蒼赤風霜奕霸王無情白水闊老我作金湯
天高離囀杳畊事欲南陽馬駝彫枯地人輕少小場碧
蒿空鳳伏黃楚尚鴟張廓落今秋氣登山誰敢量
老人哭鶴埵未解古時憂但說躬畊地王孫來姓劉茅
枿頽葉護蟲篆裂雲留偏是秋摩戛鄉心滿棣州
辭五雨中楊旭之過訪
秋雨收聞聽幽通似達林讀書鞭日短辨史嘆文深江

上青燐眼中原白水心何當雲夢澤千里釣黃鱖

鄧州秋視兵同麻英武話舊麻大將軍為英武祖昔同先祖司農公共

事宣鎮響水舖宣地名

秋照平襄豫橫刀控大川古今響水外人物禹山前玄
草摩寥廓黃河汎蜿蜒艱難及耆老把臂憶燕然

得孝升詩感成二首

春明千里意一片雜梅情閉閣安吾劣違時遺世榮
魚消飼馬黃髮長聽鶯勞殺憂天客橫江想治平
青青白水道柳似去年疎自有登臨意猶慚封禪書倚

天磨戍劍喜雨荷農鋤曷澣征衣酒幽心在別初

春次袁聖衣二首

老儒初外吏飛舄見征塵禿穎千秋氣荒城幾個人
琵琶遲月滑蝴蝶飲花新樵罷嵩山下江光起白蘋
幽蘭不附木朴幹慎目親浩蕩通元理行藏驗故人
風
狐驕地廢雨麥伏天伸燕市多裘馬無勞原憲貧

甲午七月

環台後留別宛友四首

攀轅方昨日返轡已今時杳鑿吾深喻絲綸世未知
中原一水帶剽旅幾年期管樂傷心事斜陽有所思

猶謂雙雞近蒼梧策瘴霾何期天夢寐立反地崖雷銀
信傳唐日蘭秋召賈來四方頻有慮別路更徘徊

江湖家正闊松栢漸為薪自解雷陳少翻驚日月親黃
河崩瓠子赤羽走冠人朝氣龍鱗近歸魚未損神

卜居方澤畔畫點到胥靡忠信干波定艱難五夜遲圖
山詳聚米橫槩記題詩誰向花洲外回頭范老祠

撫秋篇豫州道中成七首

靈霖寧可積茲患已三年蜀道蕃荆棘周行縱鮪鱣屬
薪猶罪吏大樹幾憂天生後逢憔悴道遙愧內篇

杖策縈迴坂山昏聞虎過止留殘驛在坐見餓鴉多破
柱追持斧垂堂恹荷戈遺黎今易老俯仰後人何
車書通楚粵瘴癘策燕韓一月江心上千楓山背丹郵
蹄隨檄勢野膽為兵寒退食能無事逶迤勞諫官
秋風偕戰馬相逐幾時休兒女沙籌淚星辰刁斗愁奔
卒懲撫劍借箸樹同舟無寐乾坤意霜荅炤枕頭
盈旻原如此風濤未可驚秋清爭畫氣山險讓人情七
聖靈砂野千砧落葉城餘生憂患力疢疾眷長行
策馬送秋雨雲依不肯晴生心天靜穆死友地縱橫大

將身家重出岷月旦輕低回天步下支厦問書生
鷹鷂憑暮霧蟋蟀到秋燈作楫猶勞夢醫人已折肱汪
洋斟汝水風雪鍊甘陵去去黃河側天心祝早澄

榮澤阻渡

天南遊子意經歲始回頭行止非人事陰晴末世謀樹
聲河伯噫蟲語漢營秋單騎琯戈在清燈畫上游

轅子堤次李崆峒韻

秋聲歸遠漲帝子似聞歌漢幟龍蛇暮明詩雅頌多茅
絢萊稼穡砥柱老江河惻念吾生後冰堂酒未醅

豫州還過天臺山次盧次榎韻

百花洲畔客今許過天臺南北歐公意風霜剡棹來龍
鳴碎日角塔氣射巖隈沽酒澆王李前途誰愛才

傅掌雷太史後予謫遷甲午秋北返話於清源曰
次石齋家園親朋四韻

後我同辭國寧吾不憶家天心知吠犬人面閱林鴉水
漲輪蹄竭兵殘廬舍斜慙懃煩玉露引月到黃花
石逼清流合飛來借灌園世徒驕士賤道豈借官尊臥
虎風生閣迴鸞月掩門凜秋宜漢父慷慨正清繁

陶令餘新酒龐公有舊親蛇龍寧可測神骨豈能貧憂
世千秋病懷仁四海鄰微躬閑大業澡浴莫長嘖

月落魚方定尊開石有朋萍歸何處客衲定幾山僧霜
霰磨朝氣風雲護夜燈滄洲吾道在理料敢忘能

送張次先謫中州學使四首

有序

余與次先俱有忤謫同謫皆中州地同余入都次先
乃行時不同耳送之

南天不忍問老眼送人情我已憂民病君胡市駿行藥
靈中岳氣柳浪大河聲回首平津閣誰知金馬鳴

定園詩集
憂危敢以告不似舊東都字落荆榛外人遺鎧馬餘飲
冰鼎執政疎菲濟皇衢莫厭淮陽臥卿雲紉碧靈

啓奏
太和殿紀事三首

委身趨太液劍珮不聞喧日正松陰薄天長荷氣溫風
雲深殿合文獻舊家存自識龍顏近鄉園未敢論

老臣頻直日到震故人迎筋力酬微祿兒童達聖明

白對時
上問予諸子天通羆虎氣山始鳳麟晴內省吾徒事興

朝方控名

紫陌聞鷄動封書待曉晴湖河魚在藻禁苑柳眠鶯年

稔農祥喜心勞道力生無才慚未老虎拜誦觀成

秋郊早行東楊猶龍學士魏石生都諫四首

塵心微憩霞返視亦幽通詩就山光下秋來客夢中危
橋崩素瀨疎木會高風自有丹砂氣開雲誰與同

自憐秋賦少不敢易成詩氣峭林巒別天高雷雨奇民
生觀黍稌心計遠旌旗緬邈還禮馬無聞淡所知

遷延城市老郭外自悠然游子朝行露勞人夜灌田兵
戈猶畫地損益欲回天宣室誰前席重來又一季

那知秋月暇只是曉山多流水能無意疎鐘可奈何烟

生蟲語歇葉落鹿行過何日暮玄草蘭心挂薜蘿

詠螢四首

細縕乘陽氣流光到達扉景天還熠熠挾火亦飛飛返
始能收視通幽自識澈辟兵真有術與汝訪青暉

不妨雙點月亦復暗依簾始豈目人熱輝能散夜炎河
山時一點燈酒坐輕露自受殺光誠當明解用潛

別有凌虛體回頭每獨看心將助日月始肯膩羅紈陳
巷千砧夜隋山萬樹寒孤光留汝在今古未漫漫

大化光無定窮通在鬱蒸草枯目見性佛靜不然燈風

小臨湘帙煙微泛玉繩履霜先告汝羽翼願能勝

順治十三年仲春

上駐蹕南苑閱武行蒐禮 召廷臣四品以上同詞臣

恭視 賜宴行宮各賦五七言律詩五七言絕句

每體一首應一制

羽騎平林合青陽曉殿開周官初表貉 神武復臺

八陣山靈護三驅 氣迴承恩歌湛露拜手誦明哉

初夏聞孝升游中頂憩集河亭二首

乍開城外眼花落已成塵陵闢松楸色年光羅綺春茅

君扶藥氣洛女鬪針神堪念青林下如公亦葛巾

餘春終可惜隨意試金駟戰伐殘詩艸江河老劍花鷗

從明鏡出日倚碧雲寺名斜為想千山外閒閒處士家

賦秋凜有八

白草黃金合某臺一杖登瀛山晴太液天壽暮諸陵日

月翻棋局風霜違釣罾婆娑秋萬樹垂老計從繩

寫竹圍風雨刷山留宋唐金門寧畫史白帝正虛堂秋

夢宜家暖文心到海涼浮鷗知市隱小泛點行藏

未作一軍驚焉能萬里行蚊心窮足食鼈極跂休兵霜

杵桐楸拂陰笳星月平清琴誰欲語秋到石床橫

幾月西山約日循減近遊僧歸將雨寺龍定氣高樓金

石曹劉暮筋竿吳楚秋微心傷晚照相對只蜉蝣

老眼倚江湖秋聲載晚圖髀生驚歲逝骨賤視侯迂赤

日黃河練青霜大月珠那堪窓葉落况是塞關榆

惜暇謝人事荒庭亦掃除老将宜道錄膽不副兵書雲

卧川巖淨風歸鳥獸疎故園慚理棹朋友負鱸魚

止聽風韻入寧為擣衣來兒女加年歲乾坤低草萊鷓

光凌北照虎壑發西泉此夜蓬門菊還依白首開

一將賤子意歸理古人詩黃土星雲業青燈雅頌詩顏
嵐躡倦鳥雨徑秀寒枝避世寧無事微茫千古息

張石帆同門友謫補未啓事歸膠州

崩雲吹大海萬壑冷秋鱗偏是黃花後相看白髮人圖

書酬楛矢

時余鑄補譯卿

風雨轉蓬輪還如勞山下先予卜隱

淪

聞遠友訃

老死苦亦盡如君獨未然三生酬雪窖一夢落水天奇
字窮神得雄心厲鬼憐橫風吹到月不敢望初圓

南山道士貽予芍藥茂大為向所未見

閉性栖閒病開心信野花玄都桃已盡婪尾葉疑槎雪

點千年絳風掃一剪霞繁蕪久與絕不是洛陽葩

五月無題次箕生韻

亂水暮將合深雲不肯孤毛蒼忘句讀守黑失歡娛天

地容瓢瓠干戈倚牧芻故鄉有海客貽我愧文無

惟茲耕硯在近亦畏天荒積雨吞江燕寒條叫野鷓霹

光坼峽戶蛟氣走苔墻病後尚書事微茫問釀王

山光青入鬢一夢亦幽巡無力臨風葉將歸聽雨人尋

河測地脉煉石補皇春癯老微長策涼涼遠去聲酒民

止是草萋萋偏令回望迷帶雲簑覆虎分水簞涼傘齊

物還存砭觀生久廢乜玄心隨所寄搖落海門西

海上有無山蓉城說珮環還因今雷雨忽見古龍顏疎

磬通煙寺飛泉掃竹關微心不可餌匪鑿衛河鯨

乘閒如駐曆隨老易為家山月能將平聲客空雲每雜花

鏡潭橫一鶴鐵柅挂長蛇宵溺三都賦徒荒五色瓜

玉輅迴蓮渚鈎陳動柳涼粟書驚古頡麻禱告成湯雅

頌歸三變風雲舉九章瓦衣知不漏無用選濠梁

身退虛無進蓬心豈自明采薪羅藥氣蘇蟄谷雷情詩

眼隨年苛霜髦逼鏡生時清蓄聚拙不敢望聽笙

溪雨初開日晴山悅鳥啼倦鴈量平聲曙海神馬馱凡泥

竹葉貧交熟丹經老價低畫山師造物亦不撤樓梯

雲香冷翡翠山影冑蒲萄客老孤燈下泉崩萬木號麒麟

麟輸羽箭肝膈背錢刀自古寒如此乾坤一敝袍

濕林無遠翼小止在菰蒲浪轉櫻虬怒雲寒助鶴癯澹

留一藥在幽對萬山枯不意匡時淚蒼然到短鬚

止是競蛙鼓將誰集鳳肩墨香參古嶽琴響入靈篇天

定園詩集
大疑憂杞文竒信壽年
逍遙猶有事雲過薦花然
霽

雲脚經旬合天心初霽
回蛛絲撐竹晒魚夢背萍開徑
轉林光徙人歸山氣來有懷
還待月只是未能裁
依然雲水外誰許見晴心
逢世靡全瓦呼林有破琴
海頭魚夢憶華掌帝文森
衰骨還銘杖扶人問淺深

六月霽語月

與雨周旋久如君相見
稀星河矜沐浴巖壑入清微
既怯秦關去尤憐滄海歸
燈花偕意蓋相對不成飛

哀劉患骨

天地剥金石風霜落蒞芝
如何垂老日不許一人遺
竹汗留蓬雪松鱗寒籀詞
鄉心翻為絕怕聽向南嘶

何以二首

霧合旋空蓋吹風到草堂
輕鷗白仔細老盡碧微茫
遠害寧麋鹿謀生豈稻梁
江湖頻盜賊何以荅垂裳

急雨奔流黑蒼雲疊草玄
老從秦鏡裡衰到越裳前

時猶

譯子夜三關筑庚呼八水
船迂心猶伏枕飄泊未窺天

戊戌元旦懽然有念

定園詩集
卷之五
三
遠子行年及多非知未知習違山水性文愧地天師砂
井寒龍味颺林倦鳥疑庭梅存古道香到勸樓遲
頭還憑月盥筆不厭霞燒白雪誰今是高風寧古遙勞
形謀洗樹敵口馘彈蕉杞夢知天遠經營寄斗杓
風雷刷草昧臣敢不知難翻動依問夢來詢客子安弁
星推漢腹階羽靜王千天定山應澗相將縱蒞蘭

昨夜四首次答友人韻

詩到連花發披衣昨夜中苦寒心已白淚盡雨猶紅淨
月搖城角深江流曙鐘自迷因樹屋誰復辨西東

黃金噓世氣何處望知貧鐵脊還吞奕孝心宜鑑人江
浮家宅碧山掌事權新谷口如識我遙問子真
向雨還耽病非關愛獨醒指龜銷世事拳象笑浮生日
月莊椿意江湖菜絲情條山真大隱不語異花名
世愁胡不短隨髮亦叢生一雨鴻濛色諸崑窈窕明疊
雲榻跡穩無病鳥毛輕五嶽還蘭柰衰吟未敢驚

午日即席得陽字

自解無文隱尋詩亦渺茫扇光飛月白鏡氣動江涼靈
雨還花塢空天另草堂相逢多醉客不弔汨羅裳

又得寒字

何處宜男草憑君寐歷看畱雲歲午夢隨鳥過烟巒雨
積蒲人重風迴玉燕寒陶公琴尚在不敢覓絃彈

酌劉佑申以艱歸二首

蒼山驚落葉相對兩孤臣偏是艱難事還同時歲新囊
雲藏出處鋤草靜經綸倚徙秦源暮憑君好問津
險阻寧妨道飄零可問心猶將傾濁酒及爾入寒林此
暮空無母臺荒不見金海光連劍氣風雨碧蕭森

晚題茉莉和箕生二首

移彩來金地流芳落碧灣玉明雪五月麝靜雨三山孤
潔隨人夢幽間付鳥顏長林無帝女誰散到松關
華鬢動琅玕盈、一短欄自從彫翡翠不敢笑真檀海
氣凌冰脆天香削玉寒孤根猶可念况復礙門蘭

過劉患骨故居二首

暝色空林外泉聲濯雨繁那堪纖月落止許斷琴存白
鹿依青史黃鸝抱綠尊杖藜猶有意枉道失山村
乾坤猶有事鷗鷺自無言積雨迷開徑荒山深閉門
娑獨老樹離索一黃昏總是低垂處微吟問斷魂

頻雨二首

非不歧朝霽層陰乃綠蕪敢云縻帝澤偏不念田租珠
氣寒鮫室琳光變蜃圖庭前有老馬雲汗憶長途
滄水依人暮連山入雨無五湖競浩淼萬草共艱虞
魑謀生事星河厭腐儒陰晴今尚爾不必念崎嶇

夾竹桃

自兼桃與竹媽笑對滄浪向晦猶矜色逃名不放香
葉長迷阮渡花續老劉郎今古薰葭意伊人終一方

夏至

草莽安無夢荆榛欲掩身誰遲寢鼓日為永避兵人白
雨長江細青雷大壑鄰圃場方鶴埵示彪話周秦

不到城西刹十餘年撫朕念之二首

老眼珠林外回崗賸廢興暗泉陰洞圻懸嶂古雲凭紺
殿晴驕馬金池夜放鷹近無溪上笑逃世復逃僧
東林空有別北闕竟何能及我歸來日蒼山正紫藤諸
天時印月一衲夜蟠米肯向蛟龍夕洪菴覓海燈

得錢鍾銘書問二首

芥舟浮遠興蘭籍下林梢山險餘孤鴈江深有淡交崩

雲雜翡翠踈雨病蟪蛄南嶽如君問無人解獻嘲
遠慰無長策生涯在綠郊吸江彫玉露藏月藉山茅亂
水流觴到空堂古木苞幽林不敢釣五月有潛蛟

寄綸兒在江右時同縉兒

廬山連夢尾潯水亂愁稍霜雪孤臣在風雲萬事拋憂
天人異月對酒爾同胞何處塵纓濯尋師問虎跑

遲佑申不至

愁到猷花濃雲歸客未逢地畱搖筆嶽天許帶經農周
筴幾林鹿芎筇定怪龍可憐秦壁老風雨歆官松

家大人有梔子二本花發百餘即席命賦二首

樓石縈雲入華林有霽招盈頭雪不夜爛眼玉還燒素
錦三千麝冰筵十二簫南山思獻壽移對紫宸朝

誰麗滄江矚香鱗捲素潮乾坤留白眼冰雪亂虹橋佛
定聞還寂山空影欲搖相扶及彩筆幽韻總干霄

春上旬壽劉孔著掌科太夫人

頂花開夜子寶錄獻春王髮助青筠碧眉宜白簡良三
山浮玉笈五嶽靜金箱坤德無今古應知行地長

四月廿九日哭老馬

國士十年遇酬恩歆勉支德深強力失骨峻瘦形宜風
電須臾影江山朋友悲囑童埋厚土烏雀未能知

哭呂崑峯客死彰德

他鄉生亦苦况復死尤憐暮雒楓聲急秋嵩霜氣圓
乾坤消樞馬日月總啼鵑秋凜偏來眼西楊向亂烟

翟孝廉貧而劫劉佑申以詩慰之讀焉感次二首

杞人多誕慮寧此盜如毛事大慚囊穎文孱怯韃索怒
風失藥竈苛政到綈袍猶見南山在濁醪且自陶
櫪志策榆影微心寧敢昏世偏留白眼盜亦愛孤村糗

盡宜止犬籬踈空有門雞鳴多俠者牢落正堪論

雨後二首

小卧滄濤碧林花任夢吹千崑纔雨後一月欲風時世

古江河惡天空毛髮私衙門無箇事雲笠蓋餘磯

五嶽如將去悠然筮所之無名今不作有道定誰師大
業測龍馬餘生悟斗箕髦心憐尚爾悄悄倚箒淇

題程穆倩禽蟲詩

久惜浮生誤寧云今日非為雞還彈否化沙與蟲誰蝓
腐泣無骨蝶輕夢不羸西湖春霽好短棹信逶迤

題王西樵年大小像

鹿柴今將問能封草徑無嶽搖驚句老月定愛禪枯爾
我千秋外曹劉一代孤平山貽落照莫誤洗桐圖

金山告江

衰年惜浩志亦不願從軍鳥喚凌烟夢天空入雨雲江
河羞祖逃鷄犬厭田文自遠寒山寺鐘聲若箇聞

男戴王綸經碧輯

門人毛表奏泚校

定園詩集

滄洲戴明說道默著

七言律詩

冬懷患骨在皖

飛觴四座浣斜暉勉慰遙程誤醉歸老樹欺霜初炤箔
寒禽爭日慣登扉君行雪嶺鬚應白我望江天夢不稀
更恐王維添寂寞為言留戀典春衣

忽步

惜花忽步是籬頭滿眼霜英破晚秋痕炤青衫昨夜酒

吟成紅葉此生愁
潮聲夾雨燈留夢
海氣吞林月入樓
莫使雁聲來獨坐
山光隨意自悠悠

秋思二首

西風歲歲吹江丘
恐老乾坤動我憂
碧海不留經月眼
玉山早炤插萸頭
寫來世事書應笑
拋去人情夢亦休
為語商山招伴否
新芝好貯待誰求

坐盡疎鐘桐雨殘
山容若語照江干
荒林露草積蝨韻
靜海冰輪借桂寒
醉句恐忘時攬筆
夢遊仍嬾不知冠
近來偶結琅玕友
滿箔蕭蕭影萬竿

胡此庵命賦萬紫千紅總是春

十載滄桑策杖遲
樓頭籬下盡成詩
欲窮影落春秋後
當識香來坐臥時
入眼雲山青不碍
宜人桃李淡相思
何須又覓東風面
日日幽情好自知

于石氏醫室贈山水圖同覺斯

三春心事寄長風
寫就烟林疊瀑中
自有高人來洛下
何妨遲我到墻東
翠巖雨濯青童藥
茨澗芝莪黃帝弓
賸得月明啼戰鬼
靈鞭未忍叩壺公

半世

半世多非深自知飛蓬搖落亦何之天留破衲檀烟裏
客散孤燈藥竈時太液噴雲青詭激滄江接雨碧逶迤
猶云策杖窮荒處吞吐蒼茫點玉螭

歲暮友人游秦豫來

駿狼清景共淒然貧病從今說去年義廟龍蛇吞浪柳
秦山鳥雀拜空蓮家園半擲黃沙外弟妹猶違白月前
莫厭衰儒憑酒力寒衣還未到窮邊

鄜令黃狄門調沅陵

天南地北是誰同匹馬長歌草色中沐落頻婆寒黍谷

巖開雲母引司空久憐蜀客無船過近報王師有路通
豺虎拏覓應未得三閭洲畔數歸鴻

密雲令郭星鵲調安化

曾貽清夢殷邊笳賈墜湖天亦作家鳳吹一時留短棘
鴻文千古在長沙蠻烟惹惹山頭月瘴雨苞茅海上槎
莫道相逢無可寄夷陵舊土發殘花

哭仲弟旦

曾同兵火不同死剩此餘生亦惘然無夢何能及壯日
有親還未到衰年東山白露荒絲竹北海黃昏黯阪田

安得石人知解語麒麟喚起晤寒烟
此日有告二首

此日天涯猶是客微情馬首欲同誰
三年再見悲三弟
一事空懷禮大師雲白洞山搖巖
雨青琴峽洗希夷
月明不動藤蘿外數到烟林第幾枝
青兕黃風不可群遙將雙淚說從軍
越裳尚阻珊瑚貢
島解空懸翡翠文臥憶鼎彝蒼籀出
暮懷舟楫老龍聞
香山日下還多事忽擁滄溟無限雲

扶筇

山城漠漠接殘春剩得流三對病身
竹葉有心觀靜雨
金經無字笑忙人田荒渤海徒刀劍
日落長沙足鬼神
角罷扶筇不可出中宵寒淚到文茵

四月四日

四月四日晝生涼白沙黃日橫匡牀
客來陰海說蛟夢
雲過深林帶麝香萍梗漫慙妻子累
竹頭空為吏胥忙
輒坤此夜成華髮賦就登樓總渺茫

馮木衷少司農海棠開許招未果

海棠初放照烟阿許有隣翁載酒過
滿眼干戈留我在

驚心豺虎闖人多漢陵夜雨沉圭壁楚國晴魂老薜蘿
何處笙鏞吹薄暮紅梨白雪兩嗟此

中孚有聽歌詩久期不至因有遠想

峽源萬斛未能甬集雨翩翩綠水收繡虎已驚天上語
迴鸞猶想鏡中游冬春不辨卿嬈院風雨能歌窈窕樓
何日投壺憑海嘯冷然老眼對靈舟

春盡即事

山隅花事漸成灰春思陰陰不可裁三窟沕離嗟瀚海
六鼇今古闕蓬萊俸分參朮霜顏喜酒盡葡萄画角哀

日落北風何處至佝僂衰力倚金臺

路難

一片蕭條嘆路難山陰無興可投竿壇光東印從來水
梵語西連何處寒翠羽瀟江秦棧溼赤狐弄火漢墳軋
艱危自是蒼生事不敢吹燈到夜闌

飲友齋同中孚公愚念蓋虛別

桃源深處舊秦陂為和玄霜覓紫芝鷄黍尚留多難後
管絃猶憶少年時龜山鉞鐸搖雲黑淮甸梯航落月遲
醉倚流黃君莫笑年光已過鬢成絲

四月有風風正急夕陽樓上笛聲淒我行虜馬不知暮
雲到高峰未肯低沙費旌旗饑虎立霧吞網罟老猿啼
安能借得天河雨洗盡兵戈灌藥畦

送高望雲年伯隨任遂安

仙骨半生巖桂裏鴻文千古日華宮欲將封鮓留人世
莫漫乘槎入鏡中春堰采雲藏鼓吹秋江釣月洗兵櫳
桃花洞口瓊花藥孌孌猶懷禮少公

同覺斯夜坐

天闊風高薄暮情春歸猶有斷腸聲為留老友看山色
且徹殘燈領月明禾黍崎嶇宮水落麒麟增蹬陣雲平
海棠開盡黃鸝少不敢中原問古畊

四月風

白鶴蒼巖何處尋遙將杖屨許長林藤荒魯廟金緘口
雲護華山石睡心若為獍狻清掛樹可能雷雨洗鳴琴
風沙眯目輒坤事澤畔黃昏誰敢吟

未潮友過

深巷猶勞老友過寒烟擁月到藤蘿愁中浮海搏星斗

病後尋山遠斧柯齊魯聞鷄殘綠野金遼戰馬古黃河
未能采藥兼垂釣老髻疎簾聽角歌

尊存
屋就幸依青嶂好家貧猶有綠尊存雲枯海燕欺潮信
風勁江豚耗水痕半世著龜天損益千秋管鮑古寒溫
蓮峯自昔通群帝何日高尋扣嶽門

朝行

朝行畏日逐人太安得垂簾獨坐時枕遠羲皇蝴蝶笑
策輸管晏海山疑風乘戰伐陰陰噴雲蓋漁樵泯泯溪

此夜無猿復無鳥深崖何處盡情啼

時將午日感生

深篁入牖柳橫渠帝縷棠舟漸漸虛但使六師安土著
敢云三徑是吾廬峽盤蛟氣屯雲裏海背鵬陰長日初
惆悵高天連草色無言芝檻晒丹書

家憶

榛莽連原豺守關滄濤不是不潺湲未能喜雨聊思濯
止為離家苦憶山驥伏晴雲于尺白蛟嘶夜月萬谿閒
訟庭花謝慚多事牢落知章蓬首還

夏悼孫二如總憲

同君窗外賦梨花
忍見堤橋是舊家
蠹走燈青留月旦
鵬鳴日黑起風沙
千年老栢封春蘚
五月孤城哭暮笳
惟有旱輒征戰後
渾河渺渺自浮槎

擬閒

中宵夢到方醒後
何處人能未老閒
石枕竹簾通藥氣
鶯聲鹿跡隱花關
白雲記就歸司馬
綠水調成教小蠻
無限神仙不可見
空憐年鬢為誰班

桃源古別

誰知小別便千年
且弄春筇倚暮烟
垓下塵原隔澗水
長城風不到壺天
白驢夜銜瓊花藥
青鳥晴吟月露篇
此太人間何所見
層崑古渡雨綿綿

偶閒有賦

老奴帶雨扶新竹
稚子分雲尋古源
舟楫何人撐碧落
文章無事寄黃昏
玉釵埋徑花鬢泣
金鑲沉江戰骨存
賸有病心歸未得
茶鐺藥裹問玄言

五月即事

薊門積旱晝沙鳴
憔悴榴花不肯明
脾涇今難親酒氣

定園詩集
魂勞昨已厭茶聲旌旗柳帳千笳月雞犬桃源一笛晴
隋苑唐堤何處是曲江野老嘆蓬瀛

送虎別歸兼苦旱

沙走樹號黃日吹山陰有棹歸滄溪官沉薇省妻孥歎
庭剩葵花鷗鷺饑赤瞳空壕驕試馬青燐大澤夢題詩
一歌渭雨千升淚藥餌何年扶所思

借山

幸入衰年無長物願於苦日得微閒羽衣口說蒼龍府
琳篆高懸赤豹關彩筆鏤雲驚鬼哭香林駐月待僧還

近來曾與滄江約許借中條第幾山

即事

敢道無家謝老農垂鞭尙愁且扶筇桃分漢室容金馬
虎滿成都吊臥龍碧檄多才誰洗甲蒼天有意欲乾卦
他年若擬相逢處一錫袈裟萬壑鐘

憩想自問得江字二首

久憐蒲柳誰相對漸瘦芙蓉渠亦自雙魚樂潭空花入戶
鶴鳴月小夢橫江日邊瓊樹新招貢天外霜旌待受降
寄有平安家未到松濤蘆葉正淙淙

半帆歸去誰尋戴百草拈來木姓僮莫厭笠簷生雪鬢
曾親花雨見纓幢折腰春老維桑徑鑄像秋寒於越江
總是蕭疎不可問徘徊風露入南窗

又送虎別

半樵鐵樹香山裏一釣晴雲滄水西短劍荒山哀鼠盜
孤舟涼雨病荆妻鬢緣心拙三江老天許文窮五嶽栖
為擬歸來秋滿帳玄經綠綺正堪携

夕暉

祇是餘生對夕暉逢人寧敢話清微魯連有字酬書榭

李廣無侯謝釣磯白象高沒眉嶺峙丹砂遠與肉心違
可憐太液還凝碧古柳陰陰大十圍

集敬哉亭館

峰前漠漠哀猿呼籬下容容病雀孤滄海汐紋開窈窕
瀟湘簾影動虛無阿奴瀝水雲根溼野老看霓霜眼枯
止有酒心不可說沽來狂喜報山都

六月始雨

雲漢三春空浩歌坤靈六月始滂沱自憐衰力當風坐
敢問流年入暮何赤羽彤弓今日月清流白馬舊山河

北邱誰掃英雄淚野草青青護石阿
湯陰武穆祠

城荒樹老大旗斜生死皇輿誓一家
血灑金牌摧碧嶽
心鞭鐵馬走黃沙中原殺氣猶驅鹿
東汴悲流目斷鴉
野老幾人伏臘去聞聲恍惚問京華

登汪氏園亭臺二首

陵園北望白原大入暮盤雲萬徑枯
野自尾箕開蓋嶠
人從弓矢見蓬壺學書學劍蝸名贅
宜月宜霜山影壘
留滯松陰歲老鶴玄文幾許待樵夫

憑高此日無艱雲下瞰蒼茫之海隅
禹貢越文猶阻絕
燕臺駿骨空踟躕可憐一月向花落
閒問諸峰帶雨無
老句驚人焚便好黃山白嶽是前途

友人一粒堂成

聞道滄浪不可忘陰林曲徑駐年芳
雲霾玄鹿伏丹氣
雨洗蒼龍供佛光學圃何人歸島外
載戈終日想山陽
艱難憔悴垂綸事海色南風百丈長

遠懷中寅聞遇盜警

孤蓬落日渾河梁遊子天際相徬徨
南國機絲悲短夜

東瀛蔗稜愁朝涼鴉啼玉露角聲白客裏金瘡雨氣黃
書劔飄飄老眼闊羊裙寫破誰短長

伏來雨疫氣猶冷老太孤懷誰與偕朝夕玉泉翻日背
風霜粉堞挹山崖平蕪滴滴牛羊淚長海悠悠鴻雁垂
入暮邊愁通翠閣紫簫聲斲落瓊釵

虎別書來

清簾明燈堪白頭尺書此夜來滄洲棲鴉鳴蟀三江夢
古木流星六月秋笛吹柳梅家近遠雲捲轆轤聲去畱

安得花開兼粒實野人籬下無長愁

徐望仁總憲河亭

漢臺初罷乘駟詔河上偏閒繡豸冠栢子石樓宜省事
竹孫玉露引加餐鉦鼙白晝千山暮星月滄浪一釣寒
不是登龍客不到無勞洗耳聽潺湲

菜市

菜市南頭何處邨菜市北頭早閉門塵封肩轂朝烟赤
氣雜魚蝦海日昏余杖野藜不得去客趨簷徑徒爭喧
衣裳釜豆千年事悵望桃花空水源

秋懷四首

燕臺夕氣下滹沱萬里西寒發浩歌曠代文章歸白髮
高天雲漢炤黃河時不雨茶行沙口鼎羸馬日落香山放
病駝猶有當年漁父在荆榛想像到煙波

濁醪易盡平原後老骨寒生渴病時鴉落玉山尋寂寞
龍歸太液鎖歲蕤蘆租誰罷銅陵郡監哨新燒花馬池
轉眼西風千橘瘦鄰人隔夜幾笳悲

學宮石鼓鎮經帷苔蘚縈班雷電暉哀角清砧黃菊病
寒雲亂草野狐肥門東日月文丞相鄴下松楸宋岳飛

勞此餘生不敢問年華零落到知非

翠華西苑舊鑿幃暮雨斜風向晚飛白草連天原玉蟬

五雲回輦有漁磯職方生死依宮水

用金伯玉事

萬歲溪山

駐夕暉聞說桃林蔽蔽好蹉跎千載幾人歸

雨中再集

長安珠桂既已苦何處壺觴招再遊禾黍昏昏甦霹靂
江湖漠漠喜蜉蝣支撐陰壑天山木搖落前朝野寺秋
醉去可憐人世事古來笙鳳是麟洲

六月盡始大雨

蔓草平沙共舊溝
垂天霾霧水橫流
安能三伏魚龍氣
早作干林穎粒秋
絳子臨戎存魏策
露臺罷詔古秦丘
顏垣寡婦中宵哭
白瀑玄崖處處愁

東昌光嶽樓

冀南光嶽昔曾遊
画舫書臺入夢秋
青岱朝嵐封絳雪
滄溟海氣挹黃流
陰晴歌嘯十樵子
歲月行藏一釣鉤
向暮風烟生井郭
神仙無路日悠悠

秋來

向憂乾旱今零雨
何處悲涼秋又來
砧杵玉關連月動

芙蓉白露傍雲開
山鳴大瀑熊羆醒
天落平林詞賦哀
阮嘯誰堪兼庾興
幽情華髮總相催

和胡此庵馬上見高麗使臣

金魚紫綬出三韓
黼黻巍峩都士看
周道中原勤鞞鞞
漢朝小島重衣冠
海東貂背松芝馥
天上蘿漿琥珀寒
好憶鬚眉勞夢寐
玉圖有客繪千官

中元秋懷兼悼妾

銀河雲濤接崑崙
崑崙老碧蕭蕭萬木村
白鴈寸腸悲上苑
清霜斗酒載西園
蒹葭倚寺天空暮
菡萏流燈月易昏

我尚匏瓜君掩玉靈槎無力望津門

老爰來

白首滄江輾嶽塵客來千里正盈旬酒通襍襪不能醉
詩骨嶙峋尚耐貧卷海雨聲迷雁足滿樓山色上鷗身
逢君但寄鱸魚問關塞霜黃一夜新

聞公愚游海旋回感賦二首

匹馬遙聞着雨蓑江天遺勝問如何雲籠玉墨歇黃蘚
風鼓靈鯨哭綠荷水閣金元流戰氣山盤燕趙振悲歌
可憐七月桓伊笛落盡梅花塞州多

知君極目城西淀老我傷神汜子河七貴香奩曾駐輦
百年芻牧近行歌潭心暝雨扶蛟舞洞口腥風報虎過
荻雁連天秋不管興亡流盡是烟波

飄泊

黍谷峽原通御氣津河霜欲落清橋六朝烟雨連潮老
九塞驂騮帶雪遙八月亂砧寒夢寐歸山條標愧漁樵
黃荅綠酒仍飄泊搔首秋聲倚絳霄

送巨妾櫬還里

疎雨丁丁響塞沙孤魂容易寄浮槎河清日落人難俟

花謝庭空誰是家
滄海磬鐘沉暮梵
陰山狐兔冷悲笳
平原十日何年事
遍倚青帘哭斷霞

春懷八首

鶯花隔戶亦亭亭
天靜西山開大屏
玉筍夜傳靈草藥

白雲朝護老人星
余雙親俱健
風霜自古摧蕃武
眉黛何年

妬尹邢翻笑蟠溪多
好夢蛟龍歸去釣痕腥

荊籬老者話幽州
為許陰晴濁酒收
白草大風沉楚帳

黃榆驟雨守吳鉤
世無狗監難容字
客到龍門易拜侯

雙鬢未凋殘笠在
銅鉞玉樹不關愁

旌旗陰磧暮雲高
萬里烟花一布袍
交自貴時無鐵石

山從險盡見風濤
天留漁父歲龜筴
骨朽金臺臥寶刀

縱酒滄洲吾道在
歌鐘何事慰鴻毛

憂國誰開百尺樓
皂囊碧蘚魯春秋
隔朝文獻歲原是

近世神明笑亦休
長樂大鐘懸雨氣
桃源古豆照花愁

祇緣痛悼田文死
天下鳴雞盡白頭

年來鼎鼎竟何能
但有寒喧不可勝
呼馬呼牛憑鹿夢

看山看水扣龍僧
日東如鏡滄洲窟
天外非烟蓬島燈

世事歸來高臥好
無勞長嘯訪孫登

城外荒霾抱遠岑，晝長愁思正沉沉。
城工伺影生風雨，國士留魂照古今。
射虎錦裘當日事，飼鷹松菊故鄉心。
夜來滄海星河動，幾處蛟龍較淺深。
歲時如駟意何如，耳目將歸返素虛。
蟬意原難分菽麥，蓬心終未信豚魚。
牙檣五柳人間澤，瓊籙三洲海上書。
幾欲深山絕巘裏，花開證有指南車。

一自蓬舟來故墅，七年羸馬到今朝。
搖天風浪誰青眼，滿地鶯花正畫橈。
漫倚銅鉞羞艸檄，敢教玉女伴吹簫。
六朝無限催人老，殘壘斜陽萬里潮。

送徐靜微南旋二首

香寺千鐘肅曉雲，玉泉三月變寒暄。
古來兵火皆曾見，何處神仙不可聞。
圖就鳥叅風雨性，畫成鬼哭地天文。
漫漫莫惜孤槎去，吸盡西江却遇君。

別我忽於多難日，逢君何似未生前。
玄霜黃髮聊相屬，白眼青萍漫許憐。
月定鶴鳴潭影正，雲歸龍倚洞門圓。
江天幾夜憑人看，蘆荻濛濛萬里烟。

送王清遠督漕淮上

蘭橈五月下蒼流，畫角中宵坐上游。
禹火舳艫服正貢，

召平鐘鼓冠諸侯青山照綬麒麟壯白日橫戈豺虎愁
何事老臣催遠別金城圖就白人頭

次熊雪堂少宰韻言意二首

疎簾淅淅電光賒小夢頻歸未當家漢苑月迷撩水雁
隋堤風落亂鐘鴉閒書甲子心空燼慙註春秋面欲遮
彫盡故人不可問三千白髮一輕車

偶譜桃源野意賒衣裳傳說古人家識將黃綺惟朝犬
啼盡周秦止暮鴉燕市平時萊霧合玉峰缺處斲雲遮
誰憐渭水牽閒夢終古湯湯弔後車

送熊雪堂少宰以艱歸豫章二首

手懸金鏡字琳琅纔出東山又艸堂寒歲斲松扶日月
清流烟艇挾風霜國存雞骨傳王濬世鮮牛醫鄙戴良
一釣秋屏千樹夕漁人應不如滄浪

龍門蕭颯黯朝班一葉如君易往還驥老膺傍知故國
燕依王謝哭家山峻嶒尚載風波裏美好誰知天地間
最是霜華不解意丹楓黃蓼弋陽關

喜佑申至回次韻二首

雄心孤劍兩蹉跎止識寒山入夢多日月那堪磨馬櫪

風霜偏欲耐鸞歌白頭粗糲驅窮鬼朱戶琳腴守病魔
猶有天津老友在行吟無嘆樹婆娑

閉戶綿綿謝酒豪寒風短鬢向梅搔乾坤杳漠容隻眼
羽檄氤氳念二毛漱石有山巖鄭邴焚書無字擬劉曹
長揚猶剩閒狐兔獵火連雲帶雪迤

龔孝升館卿初度二首

長風健翮探真源大義鴻文衆所存梧草當年推伯仲
瑤花昨夜長兒孫青鸞下瞰銅陵近綠字偏經桑海尊
濁酒十千梅萬樹杖藜猶喜對柴門

伊周此日正當時厨領如君尚我知喬嶽自能離虎吻
清流今許遜鷓夷池噴墨字澄金斗眉帶山靈映紫芝
正是葭灰初度處朝來重譯萬年詩

元宵日東陰太峰二首

火樹金貂上苑春燕臺何事傍孤臣黃州有地容看菊
山啓留官更擇人落日文園星斗大陰林武穆羽旄新
將歸笑囑長亭柳此後從容點客巾

歎林層雪變山容肯許樵人認舊峰消息三生空海梵
興亡五夜入烟鐘依將日月思乘鶴斂却鬚眉問臥龍

自是太平勤老眼朝來拍點古堯封
張子輕裘雅鎮宜渭城斗酒夢披離縱橫疑義常神解
今古清流總病癡薑桂無材慚濟世心肝如我莫違時
懸軫近說風雲事千里孤臣望玉墀

春盡蛟螭歸碧落天移蘭蕙近黃河可能蓮社追垂釣
直到花潭好放歌貧賤久同年少日艱危猶恐累君多
焚香且告殘黎事坐看陰晴織綠蓑

寄懷陰太峰給諫次龔孝升送別韻四首
病乞

余謫豫時太峯

病乞

朝陽片藺震天寒長翼高風勇繡鞍自許三君存道古
耻從七貴說途難淒清桃李分歸鳥斌媚風雲拂薦冠
何處禹山鴻信便蘭書重淚勸加餐

孤性何曾馴老龍殿前鶴骨自春容堯階誰輯凌虹檻
燕市空懸問夜鐘玉壘黃河花半戶青牛紫氣藥干峰
南陽莫嘆無知我姑射相將到處從

驚濤相伴幾經年直以冥鴻謝控弦茅土從來三晉古
雲霞高自九霄懸登樓白馬人如玉避地黃公老學仙

為語春明龔渤海括囊輾轉向誰眠
且將王路讓昇平僮僕披離各送行
冠隼病還充鎖鑰
杜陵詩許縱柴荆
霾風對仗千金馬
春雨隻耕二月鶯
輦轂爭傳人未老
蒼生今已望陰鏗

次荅龔孝升別詩六首

鳳城霜霰幾人偏
博得長沙已二年
諫草焚時飛蛺蝶
交書絕處廢蘭荃
詩成淮水東風咽
客到黃河落日懸
自是虎頭君獨少
羈臣回首望凌烟
窮骨難諧駟馬車
躬畊正許到南廬
門閒羅雀猶含射

謗畏浮雲罷著書
半世伏波珠載少
幾人元祐殿爭初
於今四海飄蓬日
囑付春風護舊居

誰駕柴車下綠楊
暫將雞肋對麋場
同心慷慨難燕趙
違世文章賤宋梁
竹馬迎時催召父
桃李栽盡太劉郎
殷勤好向龍岡臥
高爨桐琴哭嶧陽

蘭橈菊酒薦春盤
遠舉無勞賦說難
甲第人傳同學貴
桑田天許老心看
風流自愛鄰高士
骨鯁何緣踞好官
計到家園鶯月熟
山青雲碧付長安

浮萍寧記伏青蒲
星戶珂聲彫掖梧
黃耆稗官存碩果

銅鉞玉露散啼鳥夢分南北彈悲缺話到縱橫擊唾壺
此太便尋安樂宅干戈原不屬迂儒

十載齊名李郭舟金池寶刹暫停騶飛霜許我生憂患
扶日如君善斷謀何地將軍容揖客中天孺子近留侯
臨岐莫嘆清流寂早晚初衣狎海鷗

尉氏壁次文太青先生阮公嘯臺韻

嗣宗高韻未塵灰渾穆蛇龍一代才淇水老年猶傲戒
蓬池初月幾追陪風流江左纏兵氣草木天中聳嘯臺
紫鹿不來春自古柳烟栢雪至今開

擬寄侍兒作

滄海星河感客裾寒香辛苦點芙蓉低徊柳影恨誰恨
忖度瓊枝如不如垂帛人來孤杖後扁舟家近五湖居
丈夫自載風雲氣為報紅綃珍素書

七月觀宛兵

漢代何人入不毛朝來鞠旅下東郊清霜劍氣平龍井
白日刀光插虎牢老讀兵書驚夜短客成騷賦凜秋高
那能濁酒思前事鐵壘銅鞮舊錦袍

新野議事臺

昭烈與徐庶
議訪孔明處

天頽炎靈未可湮
殷憂促膝見君臣
布衣自古藏名士
髀肉何曾老異人
林落秋聲吳楚混
日垂山氣鼓笳隣
傷心今昔荒臺外
潦遍沙場戰鬼貧

別張奎庵將軍用禹峰韻四首

曾向中原詠出車
飄零已捧粵除書
腸迴赤鳥風波後
眼見蒼生寇盜餘
南北湖邊頻駐馬
輔車江上幾懸旟
君王不似長沙召
前席於今如不如

移粵召還

經年指領別須臾
老眼驚回望九衢
鐵馬祇今隨客剿
金城敢不向人圖
千年漢氣西風裏
一劍燕雲北塞孤

自去淮陽非帝意
環書猶恐到蒼梧

幽燕輕騎踏秋暉
鞭指晴江鷺冠歸
輿論幾朝推鎖鑰
臣心五夜自庭闈
兒童誰忌韓文怪
牛馬將探蜀相微
莫道緜袍今古意
空囊別淚載征衣

櫪骨空悲不可羈
金臺市隄自當時
肺肝到處隨民視
雷雨從今悟帝司
墨霧橫龍纏范閣
劍光倚馬到羊碑
輕歸敢作剡溪棹
許為流民起痼疾

滑州秋感四首

中原心事幾蹉跎
千里人

過櫪外龍鱗蟠衛雨

尊前霸氣引漳河，笛橫晚照金堤靜。樹起秋聲白馬多。

此太海頭應問訊，別來松菊亦如何。用李滄溟登滑樓韻

濬源橋下多歸棹，滑石城頭有鳥啼。譽迹從來開帝始。

行山自古鎮天西，兩河駟牧偏雲集。九日鯨濤尚樹齋。

聞說主人羅畫戟，蔡公新墨幾留題。用元美過滑贈耿子丞韻

烟波畫舫續清秋，此夜孤舟有客愁。到處偏揮沉馬淚。

誰人能識獻龍洲，幽燕日月長高揭。陳宋咽喉古上頭。

莫道地靈今落寞，雲樓才子舊遨遊。用張肖甫登天臺山韻

已向嵩南測地軸，還從日下辨天臺。枯骸陰火生旂影。

歸雁星河動酒盃，黃葉徘徊明月沒。白雲深淺暮樵來。

掛帆自遠張衡里，何處西風發四哀。用肖甫其二韻

元城晚泛

長堤潦柳病鳴蟬，野笛寒簫入遠阡。伏枕素書猶豫楚。

到舟黃葉半幽燕，百年奇字澄江上。一片歸心曉鏡前。

喚醒漁翁忽見月，秋來曾否忘魚筌。

遙哭王覺斯尚書四首 有序

覺斯先生文祖周秦詩，字綜漢魏晉唐諸家向余掖。

垣碎呬乙酉後乃比隣，每勉余曰公畫勝詩詩勝字。

畫道渺穆難世語詩字微緒其岌岌乎公曷圖之祭
告秦蜀之役先生急索余畫及俚言為別嗚呼余生
後先生其何以副先生之策畫也南陽返駕拜別嵩
雒俯仰哲人何藥石之可從倚馬痛哭匪以云文
江天浩淼幾滄桑風雨雞鳴總未忘北地每憐評舊史
東隣久許和新章文彫琮璧嵩山白筆捲鯨鯢洛水黃
誰問故人雙淚眼月明滴瀝上縑緗

文淵閣下老中書側席春官未正居世路自憑新錯繡
席經誰奪舊簪裾筆騰駿骨軋坤老畫悟蛾眉雷雨餘

此夜夢君君笑我南陽今出又茅廬

又茅蘆余南陽齋名

遐心長嘯世如麻萬里輕裝載嶽霞天妬華尖鷲冠盜
人從我頂謝霜華低回絲竹隣淮墅吐納蛇龍避世家
知去天中應漸遠悲風十日阻谿訝

蜚鴻隔代羽儀竒自恨生同半世時許我能知愁裡醉
微君誰解畫中詩尾箕象闢千靈黯地海囊涵萬象悲
翹首文昭開講幄銅龍玉鎖信逶迤

文河弔孟忠端公少司寇孟忠僖公進士殉節

天壽山崩瀚海驚一堂碧血兩崢嶸直教龍比為喬梓

誰道夷齊止弟兄豺虎黑霾垂陝豫松楸黃日拱陵京
烏魂曾否河樓上片月蘆花金鼓明
賦首九日故城道阻風
玉露黃麻白水隈天南遊子尚迂迴百年為客常無酒
滿榻悲秋未上臺風雨哮林邊葉落星河橫角野萸開
清時自識相如檄不向長門賣賦才

順治十三年仲春

上駐蹕南苑閱武行蒐禮

召廷臣四品以上同詞臣

恭視

賜晏行宮各賦五七言律詩五七言絕句

每體一首應制

講武春山擁絳霓鈞陳環衛傍桃谿玉虬電紉雙麋起
畫角風高萬馬齊仙露拂筵澄翠管天香携袖潤縹梨
侍臣漫作迴波舞 聖主思深聽鼓鼙

送朱遂初都諫觀察固原二首

崑崙直瀉大河欄出塞遙攀煖玉鞍日落火篩陰雪動
烽明麥積峽龍蟠燕山玄甲從今識殿上朱雲自古寒
此太金城饒廟畧勞臣昨已漸彈冠

除書親錫未典竒憂國頻年見鬢絲天地北門推汲黯

六國詩集
廟堂西事記韓琦雪封黑水鷗光冷雲走丹崖雁影遲
莫道玉關梅不到隴頭先發一枝枝

讀吳駿公大司成詩賦贈二首

三山才子六朝文細雨聲中靜見君彩筆玄鈎禹水篆
宮祀恩護孝陵雲憂時養士芝蘭室避世焚香麋鹿群
可許戴逵猶問業橫經今已到斜曛
不將金粉奉婁東王道今傳大雅功石鼓清風昭黻黼
御蓮微月俯崆峒合離人代絃歌裏南北江山涕淚中
自是誰能深解意潮聲終夜到吳宮

九日風遂廢登高之遊

人以茱房酬佳節我揮墨瀋當椒糝赤日搖翻星宿海
白雪漬出醫無閭商飈館暮陰沙遠戲馬臺荒古木餘
金盤繡糕近臣事頭寒帽落橫犀渠

偶感兼懷龔孝升年友

東山笑汝獨逶迤滿眼漁樵事、非天補荷裳雲晝合
僧馴龍鉢月宵遲世多翻手機如奕人到傷心淚是詩
白髮欲來滄水去藤蘿點盡不曾知

東原傲古決絕辭

東風面目自相宜
吹斷千紅知未知
肯待迴腸縈死骨

且將老眼鍊生離
三生坎坷輕還石
絕代徘徊今向誰

日落清秋寒鴈影
去來無限任淒其
入徑

東山交好歸盡出
微烟

金盤

白雲

入心

男戴王綸經碧輯
門人毛表奏牀校

定園詩集

滄洲戴明說道默著

五排

秋夜

一盞喧流月千門
寂掩暉憂知千歲
短事奈此朝違迴

室垂燈暗疎風入
雨微山高遙引夢
人獸靜添衣既已

不能寐何為強自
非擬歌還欲咽動
吻意知希坐待新

渙伴行鋤舊釣磯
坐茲悵無已閉目
學忘機

川蜀告捷十韻

五排

神武龍韜秘師貞麟閣名蔓延咨白帝穴掃念蒼生六
甲從著策三秦動柳營青霜驅餓虎紫電鎖長鯨劍洗
峩山雪旗開雅水晴坤維蠻部闢穹野鬼呈明以此雲
霓意來觀父老迎繡蓋前衛霍貂弁古韓彭雲棧桃花
馬蠶叢鼉鼓聲廟謨天意在勿用卜君平

釋奠十韻

傳 躡香炷動環橋瑞氣浮風雲初泰豫禮樂正明修
仰聖從先覺橫經裕大猷 睿圖方炳粹芳薦聿嘉柔
心鉢歸堯舜黷文獲夏周雕檐蘋藻奕華燭籥韶秋載

史儀鸞翼師臣繼鹿呦踵門欣獻器躡僑敬陳謀十亂
鶴鶴佐千英濟濟儔額崇干羽化永奠古皇休

次荅呂脩祉宮坊別詩 時謫豫

清時原小過微謫錫明廷伏枕龍泉白出門山眼青林
深花指誨溪靜石儀型樵怒矜殘木漁廉減釣馨相思
同夜月應莫嘆晨星

男戴王縉紳黃輯

晚學毛辰黼季校

定園詩集

滄洲戴明說道默著

五言絕句

子夜讀曲四首

見歡羞唐突背影挑燈叫祇火如能燒猶願憐佳妙
 不是苦歡來畏歡與人遇方食驚亡失誰教與歡住
 歡見儂假笑問歡亦強諱簫咽饑覺寒惡乎聲與氣
 歡來能幾日遺儂青絲髮歡轉失曲橫儂嘆居無月
 自君之出矣四首

自君之出矣深山晚閉門月明猶可對只是畏黃昏
自君之出矣秋程不敢知水流花自去誰道解相思
自君之出矣長林夕照翻深憐鸚鵡老猶未悔能言
自君之出矣荆棘漸成樹况是山山雲封斷黃花路
秦女卷衣

春日照衣裳春風秦帝床朝朝衣卷盡冷手剩餘香

子夜春曲

古道花遲發深閨曙早來寒心不肯斷羅襪幾停裁

子夜冬曲

中夜一燈青照此孤生月何事玉關心不共黃雲沒

河上逢落花

渺渺河邊客蕭蕭河上晴閒花容易落不是水無情

班婕妤

長信西陽好天閑返照紅寒暄知有數寧為歎秋風

思君恩

少小柴荆裏君恩不可多烏鴉行盡處天上見銀河

關山月

深夜縫旗後沙場應斃眠莫教羅幙月飛去照關前

拜新月

拜月初生時月豈知人未脉脉絕微言藹宇騰香氣

長安道

大道長安側輕肥炫曉春朱絃知易謝不敢傲黃塵

洛陽道

洛水滔滔意遊人夜夢家北邙無隙地曾種古人花

梁州歌

行人追落日猶聽唱梁州只是迷鄉夢秋風回鴈樓

陸州歌

簾暗千山逼天高隻鴈涼人情視堦草一夜一重霜

伊州歌

遙識邊衣薄悲風古驛樓征人非妾意猶自夢封侯

塞下曲

白日長城下誰人解築愁將軍歌舞罷明月枕枯髒

少年行

久客鬢橫墜逢人擲寸心金瘡經雨蕞祇是為恩深

長門辭八首

月沒蟲無語月生人守樓深宮非少鏡不敢見清秋

偏是秋風信朝來一葉飛君恩閒不薄恐淚護宮衣
閒却金門露惟餘羅襪侵一朝黃落意秋草入人心
倘有長門賦黃金寧敢私手寒絃欲斲鶴瑟沒雲遲
一落鏡中色頻憐池上霜秋風如可訴薄命負君王
寒枕留新鴈空天澹畫梁自知人易老不復怯秋房
貌與龐孰勝狐疑慚問人坐着桃李夜三十六宮春
清風遠玉輿白露近黃蟀孤葵自有心微情待天日

度帆亭

誰收雲際舫駐照湖如鏡瑟瑟松外濤聒耳不妨定

同此帆圍山不在高處

所以結小山能解不在高石蒼靜見骨松老寒生毛

題畫

危峰挹茅屋巉巖自相語寂寂此中天往來絕男女

古意二首

昨日相逢好今日驚別早愁多歡未終臨妝人欲老
心逐明月色悠悠上水痕明知薄命妾不為隔長門

題畫

樹隱野樓深雲湧山形變中有避塵人不使常人見

冬灞上

古木白如人凜立北風嘯曠爾念古今燈火顏色焰

鬱嵐矜雨沐深院閉兒家猶喜經春去相看不欠花

金魚池竹枝口號四首

出巷聞兒語新傳罷養師即如東作去應及看魚時
去歲憐魚小今年魚漸長柳塘自浩淼何處正逢郎
大化割清霽風行織水光看魚猶未厭花落舊溪傍
同此溪上約年年積鬢絲風波無限意應不到仇池

閨淚十二首

清淚羅幃裏江山返照紅幾年春草側吹老記東風
晚山青繞黛淚影照空池誰寄千山外無人明月時
桃李感春暮風餘不忍飛春情薄似淚流去幾時歸
秋動關河氣風林帶葉梳應憐郎貌瘦且漫漬魚書
強謝關山意冰痕射錦鋪朔風如好我應許賜彫枯
世人皆有淚偏我送紅梨欲聽雲笙太干峰花氣西
入夢白狼塞經春紫玉釵淚來愁鳥如背點立空堦
不敢憑秋夢垂簾任雁回猶言尋淚去明月滿層臺

眼見花開謝低眉不問人淚流明月沒錦瑟落空春
憑淚消風雨柔魂堅閉門秋聲不肯住鐘外又黃昏
候點動重欄孤燈黃葉乾舞衣香尚在漸減謝秋寒
暗淚偏宜暮回腸且受閒新秋如試夢落木滿空山

題畫八首

深坐層巒下平分烟樹愁遙疑小艇載多少洞庭秋
老石如高士經秋韻亦涼隔溪鶴夢斷明月下空林
天地危橋外陰森霧霧開山光不是客何日破雲來
霜歸林影赤雲走山光白誰告泛舟人今古清秋色

歲得千年雪星辰懸翠流為言華嶽氣不是淺灘頭
罷釣長歌后微霜正入河為憐秋意少哀鴈不嫌過
烟水桃源渡山開雲自知悠悠人世不到野橋西
為尋蒼山來春水知人未無限樹前心日暮寒烟閉

題畫

秋色千里來虛無入幽獨山內未歸人何處雲相逐
題為霍魯齋侍御畫

坐忘疊瀑來但覺深山曲午月降諸喧杳杳垂空綠
題為于石畫

道斲危橋倨天高老樹恭歸樵閒不語大雪沒前峰

懷古四首

漢水無今古秋深烟雨陳仙舟不可見惆悵好名人
磨盡長門賦方憐狗監希鏡中何處雪秋暮傍人飛
幕南猶牧馬天外冷金莖勞殺英雄夢神仙成不成
長海如能盡遐心不敢窮信陵今已沒酌酒飲西風

中秋代閨中詞三首

雲深四塞合落葉生郎語人傳瓠子崩古道浸禾黍
黃石未遇人頑真包虎嘯如何此夜心脉脉孤燈照

誰逼秋氣來衰草凋顏色不敢怨秋風羅帶上明月

明妃詞

偶來沙漠裏猶有塞雲扶莫惜激軀苦紅顏是廟謨

七夕

天上傳牛女人世徵兵馬猶有玉關心拜月深深下

題畫

誰借五丁手開天下白練中有定禪心駭浪觀如電

題畫二首

埽地淨於冰儉德禮大易不語護微心六月蒺藜寒碧

定園詩集
爽氣欲來時鏡裏山光嘯江聲不可量獨坐理寒釣
題為魯齋画

危峰正色時雪影寒雲陣湖海莫羈人蒼天熒短鬢
題為萬開來畫

雲起秋空動風生秋水白彈琴何處山古道無塵迹
送劉佑申歸二首

同作式微客流離不可倫空囊留劍在國士莫逡巡
患難磨神智誰知交淺深世人無鮑叔相勉積黃金

戊婦詞十首

有序

甲午宛師戍鄖襄護麥也五月深入非時與地也鼓
而劬時人悲之

護麥催郎去山深草更深閨中迷去路酌酒向何林
本作湘江女隨郎宛水來祇令樓上眼鞍馬見空回
妾身送戍久亦解慎佳兵無限旌旗在蕭蕭那個行
曾受將軍恩喜作將軍鬼郎心不可回赤盡襄江水
任結蠨蛸網誰采芙蓉花峴山蒸五月骨立可成麻
君逝如黃河妾意如梢柳兀然風雨中短夢滔滔有
哺餉十季久君恩饕餮多將軍傳禁哭掬淚洗長河

怒燒白羽箭明鏡佛黃塵容易臨歧話明明送古人
怪汝輕馳馬教人慎控弦從來征婦淚不達六親前
昔作秦關賊今終王事去惡名幸已逃腹子如何處

曾安南陽野望四首

城上望丘隴無枝老栢在城中人已稀隙地將誰待
木竭紫山秃離宮遍草柴白頭宮女盡無徑揀金釵
春黯憑鶯遯營多碍鹿行荒烟千里外不是舊樊城

開雲寒掩玉麒麟誰氏岡寒花無忌諱隨意綺羅香

麒麟

岡舊藩莖
宮嬪處

甲午六月廿四哭胞弟人望之計六首

七十隻親在浮名未報恩家書長跪囑節淚撫孤孫
夢見方前日魂來正夜風家園雞犬在何處主人翁
有限孤臣淚三逢哭鵲鴿山川遙障霧老眼亂燈青
十載風塵路英雄多斗筭如何年四十不剩一同胞
公莫渡河去况凌滄海濤黃泉無術智知汝悟心勞
莫道蒼梧遠莫言東海深最是難窮處蒼梧東海心

百花洲次黃山谷先生十首

洲在鄧范文
正公營之

慶曆開賢路胡為出老成中天猶不憾霖雨自蒼生

古史詳西事遺歌缺鄧民可憐兵火數殘誌幾家存
 政靜本無事洲開幾樹花玉清焚草在幽夢向官家
 清淺東南隅植蘭圍華屋公意在幽谷相教勿附木
 雲深荆棘深古道不可處何如籬落前野老桑麻語
 四賢詩已著京華夢未醒冠軍有喬木秋到未彫零

冠軍

鄧古城名

洲心椽構頽洲外人耕作無限古時花紛紛開自落
 穰民還擊壤鄰孽累戎機倍憶軍中范何年放馬歸
 偶落長沙跡偏留峴首斑屈伸吾道在豈為選名山

范老看花地黃公亦偶遊升沉何處問雲日滿高丘

秋滯榮邱為士人畫壁竹目題

蛟怒迴長波馬嘶驚去夢淇濱有冷雲剪取當題鳳

古意八首

翠山圍返照浮金蕩波裏人言秋夢多不為秋聲起
 漲水侵楊柳中流牽去愁相逢偏估客那是采蓮舟
 明知閨夢苦不敢望征袍猶喜秋風軟誰家試剪刀
 背立將成望層雲碍遠涯所慙鸚鵡下止是畫金釵
 長門歌舞罷空把寸心回妾夢迷前路秋魂肯接來

人說邯鄲客心肝似信陵誰憐雙鬢淚殘髮拜霜燈
明識秋雲薄猶將新夢添西風忽入幙停繡怨雙鷓
獲唱江聲碧疎星入斲碧飛花脚不盡零落時呢喃

順治十三年仲春

上駐蹕南苑閱武行蒐禮召廷臣四品以上同詞臣

恭視賜宴行宮各賦每體一首應制

八駿回天仗干官宴翠池君王初獵渭曾否載熊羆

又題息苓画竹冊

歛心栖清陰截空安碧玉秋雨不可喧對之以寒燭

題為鍾文子畫山水

老山憑筆出秋氣乃微親古來多落照不敢似時人

又題文子畫竹

世既快繁翠我復依疎直滴滴夜雨心亭亭造化力

獲顧夫人墨蘭二逸品也喜賦自題

自矜香不定忽有墨於斯秋雨深聽處騷魂澹幾時
既不受人紉還之以雲囿心舒明月前氣入清霜後

題張譙明掌科陶淵明畫冊

靜寄東軒春醪獨撫

雲還東軒前春落南山
蔭南山無晉宋風日好相待

翻翻飛鳥息我庭柯

鳥息入明月月色淨如掃
夢笑素心人低頭矢冥報

有風自南翼彼新苗

莫謂微心幸無歸大造
功有風自南來今古將無同

花藥分列林竹翳如

黃花亦已暮白露亦已深
花藥竹林外悠然對酒心

清琴橫床

大運既云暮靄宇垂山涼
誰對濛濛雨清琴橫一床

脂我名車

余也無聞懼馳驅敢不前
我車無甲子且載義熙年

策我名驥

南山自有心酒人亦有事
遺訓如可聞追之以名驥

衡門之下有琴有書

有琴不必絃有書不必字
若慨黃雲前衡門亦多事

朝為灌園

應歷明星爛朝園亦以灌
世人多曳裾灌之發永嘆

夕偃蓬廬

定園詩集
三
鷄犬出遠陌漠漠平林白客歸酒未醒歛衽蓬廬夕

子夜曲十首

所恨陰還積翻憐月不多儂將連影棄歡月意如何
奪歡白團扇非不知歡熱儂心芳欲燃肯許閒風竊
依依池上風暝暝烟中影流月月亦寒儂心流不冷
輕冷樓頭鳳痴看天上花神仙如可見儂願碎璫霞
權盡空閨淚乾坤酷此春曙鶯凋翠鬢風便付安仁
寄去糝糊夢憑歡自解去聲時從來魚自避尺鯉那能知
猶嫌朝鏡暗倩月洗芙蓉儂意環潮汐憑花紅處紅

遺儂珥十雙報之一紅線百雀力綿時當牽度河漢
歡欲憑虛去儂當凌彩霞下看塵界雨莫眩眼中花
儂自栩栩魂不敢煩蝶使俗子夢貪功藝語填何事

題茗溪府署愛山臺為吳菌次卽席賦時同孝威

鶴問

烟水十洲意今年此日間主人交老樹放出道場山

郊行

野籬白髮無語古道青蓑獨行嫁女經春鋤麥生男自
小供兵

偶拈二首

前生面目誰是半世牛馬昨非沽酒不來花笑敲詩纔
就雲歸

凌風竹影將淡近水香烟欲遲一月圓中深處百花叢
裏隨時

華亭友過二首

寂寂微吟移日悠悠短髮乘春榻前蝴蝶久約眼底江
山故人

蟲聲鳥語薄暮蜃氣蛟風在山談到半生夢裏畫來一
片雲間

西山二首

桃開東樹西樹月照前山後山古佛何嘗開口龍湫一
夜潺湲

山空笑汝青放寺靜隨他碧來有客吹簫忽斷何人看
弈方回

卷之四

山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制

山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制

山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制

山陰美女

山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制

山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制

山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制
山陰美女青娥青綺制

男戴王綸經碧輯
晚學毛辰黼季枝

定園詩集

滄洲戴明說道默著

七絕

庚辰秋起掖內恭睹 勅文用 寶

瑶采冰綸白玉闌 天恩深厚不秋寒
朝香携出學兒

戲莫令高堂看是官

話貧

過去艱難現在身 敝貂無力強宜春
黃昏半有閒花笑 歷想從來一飯人

酌魏家百花漿

酒釀花漿何處沽朝來尋醉勉傾壺平原死後無知己
世上傷心盡丈夫

題贈方密之畫

為尋山靜琴初到但見雲深鶴亦遲自信野人多嬾况
近來畫外亦無詩

為王敬哉畫竹

寫出琅玕自在顏林烟雪影月中還高風不許閒塵到
半飲清溪半住山

順義驛次壁上閨思

天長萬里意無涯漢關雲中仙子家酌量痴魂誰寄得
重重封押拜梅花

湯陰署奇石次前人韻

哀樂繇來今古人無心松石自為親願言天下銷兵燹
萬嶂清秋穩寄身

北泛次高中孚韻四首

薄緣不敢怨身輕去住風波信此程枕上濤光天上月
羈人一夜舊秋聲

疎籬野老坐場秋
指點豺狼哭陌頭
為借回風語秋水
白雲流去到滄洲
日下黃林禾黍疎
曲腸似水亦何如
故人去盡隻親老
唯有平安不厭書

弊帆穿雨纜牽莎
浙瀝長林咽晚歌
莫令西陽明古岫
風霜容易吸人過

張灣兩刹

諦禮金經惜早昏
浮雲勞擾笑山根
砧風夜守孤窗雨
平捲霜濤下海門

為袁九叙都諫畫用范中立法

流栢鄉魏愧燕前輩
以文隱
一杖高懸月萬尋
蒼巖玄鹿影沉沉
竹溪不欲知今古
流出閒花野水心

雲補袈裟蓮作冠
柴門深草掩江寒
誰來五月生冰骨
試截華陽萬丈巒

遊仙詞

海氣浩淼長天通
蓬樓光印螭龍鬢
五夜欲乘紈灑去
為君弄日扶桑東

惆悵詞三首

風來風去春深淺此夜金莖辭漢宮一線御溝無限月
濤聲是非吊東東

羽節霜旌暮未迴昭王牧馬下燕臺黃鸝若惜春原草

肯逐桃花笑雨來

欲把邊愁通大荒浮雲無賴障長楊琵琶忽亂三更雨

飛入寒燈白玉牀

蘇孫二如太僕張宜人節烈詩 有序

歲戊寅寧晉陷張宜人赴井死宜人可以不死死宜

人於是死著嗚呼世人士豈無真可以死求死而
不能終死也者大化寶名倍筵齡位九原異錫固有
遇不遇焉宜人之以死著也固宜

血碧鸞幃羽化裳英徽混漾舉雲璫恒山不蕪松楸色

曾焯南朝李侍郎

題蔣大小像二首

綽約季少說如雲坐倚危峰照晚曛無限瀟湘煙雨鴈
秋風何處叫離群

虎帳中宵點幕軍輕裘短劍月氤氳黃沙尚照鬚如戟

笛落江花不忍聞

題畫

美人家住鳳洲間
百丈蘭蓀萬仞關
無限春風托不得
聊將白眼畫青山

題顧夫人蘭卷

孤根耿耿護陽春
許伴三閭問鬼神
多少鬚眉不敢畫
香烟輕炷管夫人

題李五絃少司馬陳姬遺像四首

菡萏餘香鸚鵡身
瓊簫聲落鏡中春
何年留得霓裳曲

痛殺開元未死人

生來自合繡鴛鴦
金館停雲玳瑁梁
半枕西風千樹落
祇今流恨滿橫塘

一葉清名千卷詩
天花吹落到人時
金籠尚罩香魂在
司馬青衫知未知

燕燕飛飛王謝家
香風不斷入雲紗
何橋尚有痴兒女
祖臂逢人叫買花

題徽宗鷹

雪後天高隻羽輕
金睛斜瞬暮雲平
誰知艮嶽山頭鴈

風雨年年罵蔡京

贈歌者詩和牧齋先生雪堂少宰韻六首

王子清歌漏盡時
芙蓉彫露月光遲
樓頭哀鴈齊回首
十二春風無力吹
曾伴黃冠話鶴蹤
崆峒月落玉山松
青青剩有何歡眼
一個孤臣五夜冬
瑤箏紫縠大房西
久別寧王譜未迷
莫向五雲深處唱
年來太液草萋萋
寒上荒雲厭玉溝
香溫綠水未知秋
相逢不是陽關客

忽憶滄洲亦白頭

老病經年絕送迎
鷓鴣換酒洗鸞笙
近來解得浮名妬
囑付從今珍渭城

吹到梅苞怨落輕
沙場今有少年行
安能瀚海長如此
刻盡風波奏太清

宮人斜

君恩到死伴殘紅
千里平原五夜風
祇是香魂留不住
飛隨黃葉上陽宮

孫二至

短髮邊州匹馬來秋風不上紫涼臺翻嫌薏苡曾多事
劉盡天南野草廻

長信詞四首

霜散金門宿鳥疑銅龍鎖月一牀遲秋來綠髮尋常落
不似寒花尚戀枝

寶鼎瑤函出上林餘香猶是解恩深可憐半枕珊瑚夢
一片寒蛩秋雨心

靜裏隻親夢裏砧孤窮何事伴微吟自從永巷無紅日
不見寒鴉直到今

不是蛾眉不讓人漫葳蕤蘭佩待餘春閒思笑語從前過
星月樓頭懺鬼神

友話

越客吹竽一事無金貂拋去換蒲蘆天邊也有閒風雪
憔悴西施照五湖

見綸兒詠感次二首

人間孺子視留侯曾笑椎秦功未收惟有博沙閒草木
年年照破祖龍愁

鸚鵡斗酒幾人沽龍劍橫風插燕孤想殺乾坤青眼在

朝尋野菊拜當壚

華清宮

繡嶺啼鳥到夜忙
九龍啣月玉欄荒
霓裳自入行雲散
留得西風掖上皇

聞澆

秋水橫空夜雨急
蛟龍怒透層岡入
七十老人眼淚乾
三更看月扶牆立

柳枝詞

金縷迴風唱柳枝
當筵長蹠壽餘卮
今年已悔愁容老



Handwritten text in Chinese characters, likely a title or a note, located below the large seal. The characters are written in a cursive style and appear to be "海山先生" (Mr. Haishan).

Additional faint handwritten text or markings at the bottom of the page, possibly a date or a signature.